

549

石峯堡紀略

卷之三

總校官檢討臣何思鈞

欽定四庫全書

欽定石峯堡紀畧卷二十

十一月二十八日己卯福康安奏言竊臣前准哈

密喀什噶爾辦事大臣咨拏獲靖遠縣逆犯馬四
輩子沙重文胡剛之親屬馬奉舉沙一珍沙重武
胡魁胡鰲等又伏羌縣稟報拏獲馬希中一犯俱
解省歸案審辦茲據陞任臬司陳步瀛新任臬司
汪新將解到各犯逐加研訊據馬希中供認賊人

攻擾伏羌將該犯裹脇從逆曾經隨同與官兵打仗兩次後賊衆為官兵所破畏懼逃匿茲于月初七日潛回本處被族人綁縛送官等語又據馬奉舉等五犯僉供該犯等均係出口謀生並不知伊子及伊兄弟在籍隨同謀逆情事但係律應緣坐之犯應均請即行正法臣覆加提訊屬實查馬希中一犯隨同逆匪抗拒官兵後因賊敗潛逃希圖漏網今經縛送自應立正典刑至馬奉舉等五

欽定平定回疆方略卷之四十一
犯既據供明實係逆犯之父暨同胞兄弟雖不知情俱應緣坐當即派委按察使汪新臣標中軍副將王彙將該犯等綁赴市曹按名正法訖奏入上諭部知之

十二月初八日己丑福康安奏言竊臣據安定縣稟報續獲逆賊馬名正馬名忠二犯當即飭令解省審辦嗣據靖遠縣稟報續獲竄匪張三娃子一犯並准塔爾巴哈臺烏什烏魯木齊等處拏獲逆

犯親屬黃宣哈禮鐵阿都子鐵印哈明穆守榮妥江妥六十五劉天俸馬宗馬中相馬呼腮子等犯押解來甘又據安定縣詳報續獲應行緣坐犯屬馬二娃子車哈娃子馬英馬七十一傅有王六娃子等犯陸續解省經臣飭司審訊茲據臬司汪新訊明馬名正馬名忠張三娃子三犯供認被賊裏去給與號褂腰刀矛子隨同屢次打伏後因賊人殲滅畏慎潛逃先後被拏等情又據訊明馬二娃

子車哈娃子馬七十一鉄印王六娃子係已正法
逆犯馬金昌車朝禮馬世林鐵光保王成之子馬
英傳有馬中相哈明馬宗係已正法逆犯馬如庫
傳見瑚馬有哈舍兒巴馬拜拜子之父黃宣鐵阿
都子妥江係已正法逆犯黃彩鐵文花妥成之胞
弟哈禮馬呼腮子劉天俸穆守榮係已正法逆犯
哈文馬有劉天眷穆昇貴之胞兄妥六十五係已
正法逆犯妥成之胞姪均屬律應緣坐稟請即行

正法前來臣覆加提訊屬實查馬名正馬名忠
張三娃子三犯隨賊屢抗官兵法無可貸其馬二
娃子等一十八犯雖不知謀逆情事但既係逆犯
之父子胞姪胞兄弟均應緣坐隨委按察使汪新
臣標中軍副將王彙將馬名正等二十一犯押赴
市曹會同監視行刑訖奏入

上諭部知之

同日福康安又奏言竊臣欽奉

諭旨令將逆回經過地方所有被焚廟宇神像量為修葺粧塑等因欽此臣伏查賊回所至焚掠村莊並敢

燒燬廟宇殘損神像實屬罪大惡極自速刑誅臣

於軍務告歲後即飭令各該州縣查明城鄉被燬

廟宇除有關

祀典者亟應詳請修建外即民間廟宇有被賊焚燬者亦應量為繕葺其神像殘燬者重加裝塑甘省邊陲僻地民間廟宇規模本不閑壯修葺較易為力

現已一律完整奏入報

聞

十七日戊戌福康安奏言竊自七月內軍務告竣以來臣時時諱飭地方文武加意稽察多派兵役搜查餘匪如有竊匿之犯即行拏獲毋得稍存疎懈嗣據署隴西縣知縣杜夢錫稟報該縣張家營地方拏獲逆賊安定縣回民張談一名復據靖遠協副將袁國璜署靖安縣知縣王賜均稟稱于該

縣羊梢兜地方拏獲賊匪馬守山一名訊知尚有
同逃之犯馬倉藏匿南山內袁國璜即同派往靖
遠一帶巡緝之署遊擊德昌押帶馬守山跟蹤查
緝至山僻處有一窪洞據馬守山指稱即係該犯
同馬倉藏匿之處該犯因出外覓食被拏其馬倉
現在窪內隨督同兵丁進窪擒拏馬倉即持棍迎
撲出窪拒捕當被兵丁路榮額外外委范廷貴用
矛扎倒旋即斃命割取首級同木棍一併呈賚前

來臣驗明首級仍令帶回原處島示並將獲犯馬守山同隴西解到賊犯張談飭發臬司審訊據該司稟稱訊據張談供認在馬家河經賊人糾約入夥隨在賊營熬茶做飯並未隨同打仗後因賊敗逃至隴西即被拏獲又據馬守山供認在糜子灘從賊隨至鷹窩石白楊嶺等處與官兵打仗由亂草灣渡河逃避潛匿山溝被兵役拏獲等情臣覆訊無異查張談馬守山二犯或為賊服役多日或隨

賊抗拒官兵均係從賊之犯法無可貸隨即委按

察使汪新會同臣標中軍副將王彙將該二犯綁

赴市曹監視行刑訖奏入報

聞

五十年正月十三日癸亥福康安奏言竊照陝甘

二省回民較多仰蒙

聖澤涵濡以養以教均沾

丕冒鴻慈自農工商賈而外多有食糧充伍並且中式

武科者恭惟

聖主一視同仁漢回並無歧異惟是回民習武者多而
習文應試之人甚少臣竊以含生負性秉賦無殊
當使沐浴詩書通知禮義馴其桀驁之氣即可化
其頑梗之風則教導回民洵為善後之要務臣自

蒞任以來即通飭各屬每於朔望召集回衆同漢

民一體宣講

聖諭廣訓俾知孝弟睦婣並令廣設義學延師課讀藉

以化迪愚頑近據回民貢生馬有麟赴臣衙門具呈請設立學校以資教讀臣即面加獎勵准令設立札飭地方官一體實力奉行庶幾迎其好善之機道以向化之路且使上進有階自必更為踴躍茲據署循化同知達桑阿稟稱該廳所管沿關一帶漢民回族戶口日繁從前河州廳移駐循化時考試一事未經議及雖准令赴州一體應試但該處距河州窎遠有隔至五百餘里者往往惮于遠

涉漸廢讀書無志上進回族見漢民如此更無由
觀感職因公下鄉見童稚中頗有俊秀可以造就
成材隨增修義學延師教讀數月以來不但漢民
踴躍即撒拉爾回族亦多有樂從苟能迎機引導
自成禮義之鄉似應于循化地方專設學校添置
教職一員以司董率每逢歲科考試由廳錄送文
童酌予取進名數俾知榮顯以策後效將見茅檐
蔀屋絃誦成風即回族民人莫不仰